

Cronfa Gwaddol Cymuned Powys

Meini prawf: Unigolion



Mae Cronfa Powys yn cynnwys tair rhaglen grant, sy'n cynnig cymorth i unigolion sy'n byw ym Mhowys at ddibenion addysgiadol, adloniant a hamdden.

Mae manylion y rhaglenni isod.

Mae gan bob rhaglen feini prawf ac ardal benodol ar gyfer ei buddiant. Does DIM rhaid i chi ymgeisio ar gyfer cynllun penodol; bydd ein tîm grantiau'n cyflwyno eich cais i'r gronfa fwyaf perthnasol.

Cronfa Goffa Stanley Bligh

Nod Cronfa Goffa Stanley Bligh yw cefnogi astudiaethau addysgol ym maes coedwigaeth, amaethyddiaeth a phynciau technegol a galwedigaethol ym maes y celfyddydau neu'r gwyddorau.

Grantiau ar gael

Mae grantiau o £500 – £1000 i unigolion ar gael. Mae enghreifftiau o'r costau a gefnogir yn y gorffennol yn cynnwys:

- ffioedd cyrsiau (ble nad oes cefnogaeth arall ar gael)
- prynu offer
- defnyddiau addysgol
- teithio (os yw'n golygu budd addysgol arwyddocaol i unigolyn / grŵp a / neu gymuned)
- costau rhedeg prosiect addysg gymunedol penodol.

Pwy sy'n gallu ymgeisio?

Mae'r gronfa'n cefnogi unigolion ym Mhowys ac mae blaenoriaeth yn cael ei rhoi i drigolion Sir Frycheiniog neu'r rhai sydd wedi mynychu Ysgol Uwchradd Sir Frycheiniog am o leiaf 2 flynedd.

Hen Ysgol Ramadeg y Merched, Cronfa Aberhonddu

Nod Cronfa Goffa Stanley Bligh yw cefnogi astudiaethau addysgol ym maes coedwigaeth, amaethyddiaeth a phynciau technegol a galwedigaethol ym maes y celfyddydau neu'r gwyddorau.

Grantiau ar gael

Mae grantiau o £500 – £1000 i unigolion ar gael. Mae enghreifftiau o'r costau a gefnogir yn y gorffennol yn cynnwys:

- ffioedd cyrsiau (ble nad oes cefnogaeth arall ar gael)
- prynu offer
- defnyddiau addysgol
- teithio (os yw'n golygu budd addysgol arwyddocaol i unigolyn / grŵp a / neu gymuned)

Pwy sy'n gallu ymgeisio?

Mae'r Gronfa yn cefnogi unigolion a sefydliadau cymunedol / gwirfoddol sy'n byw yn Sir Frycheiniog.

Cronfa Elusennol Ysgol Uwchradd Llandrindod

Mae'r gronfa hon yn anelu at ddarparu cefnogaeth addysg i bobl sydd wedi mynychu Ysgol Uwchradd Llandrindod sy'n symud i ymlaen i addysg bellach / uwch neu hyfforddiant.

Grantiau ar gael

Mae grantiau o £500 ar gael i unigolion. Fel arfer, dyfarnwyd grantiau:

- bwrsariau ar gyfer costau addysg uwch.
- offer, defnyddiau a thŵls er mwyn dechrau mewn proffesiwn neu grefft.
- cymorth i fyfyrwyr sy'n astudio cerdd neu'r celfyddydau.

Pwy sy'n gallu ymgeisio?

Disgyblion sydd wedi mynychu Ysgol Uwchradd Llandrindod am o leiaf ddwy flynedd ac sydd ag un neu'r ddau riant yn byw yn Sir Faesyfed.

Sut i wneud cais?

Rhaid i bob ymgeisydd gwblhau ffurflen gais sydd ar gael ar ein gwefan. Cofiwch:

- ni roddir grantiau'n ôl-weithredol h.y. ar gyfer costau sydd eisoes wedi codi cyn derbyn ein llythyr yn cynnig grant a chyn llofnodi a dychwelyd yr amodau a thelerau
- nid yw grantiau ar gael i gefnogi codi arian ar ran grwpiau ac elusennau eraill.
- rhaid gwario'r grant yn llawn o fewn un flwyddyn o dderbyn ein llythyr o gynnig
- rhaid i'r cais ddangos angen clir am gymorth ariannol, caledi ariannol neu anghenion cymorth ychwanegol

Cyllid Blwyddyn Lluosog

Rydym yn cydnabod pa mor bwysig yw hi i unigolion allu cynllunio ar gyfer y dyfodol a bod cael cyllid diogel yn gallu rhoi'r hyder a'r sicrwydd i chi ddatblygu dros y tymor hir. Mae Cronfa Sir y Fflint bellach yn cynnig cyfle i unigolion wneud cais am gyllid aml-flwyddyn o hyd at 3 blynedd ond bydd hefyd yn parhau i gynnig cyllid 1 flwyddyn ar gyfer prosiectau neu eitemau cyfalaf bach.

Rydym yn gobeithio gallu gwneud o leiaf un grant tair blynedd y flwyddyn. I gael eich ystyried am grant tair blynedd, cwblhewch adran ychwanegol y ffurflen gais sy'n nodi sut rydych yn bwriadu datblygu eich prosiect dros y cyfnod o gyllid y gwneir cais amdano. Bydd eich cais yn dal i gael ei ystyried am gyllid blwyddyn os nad ydych yn llwyddiannus gyda grant tair blynedd.

Deddf Llesiant Cenedlaethau'r Dyfodol 2015

Bwriad Deddf Llesiant Cenedlaethau'r Dyfodol (Cymru) 2015 yw gwella llesiant cymdeithasol, economaidd, amgylcheddol a diwylliannol Cymru. Mae'n gofyn i sefydliadau yng Nghymru ystyried effeithiau tymor hir eu penderfyniadau, i weithio'n well gyda phobl a cymunedau a gyda'i gilydd a rhwystro problemau parhaus rhag codi, megis tlodi, anghydraddoldebau iechyd a newid hinsawdd.

Rydym yn awyddus i annog sefydliadau i feddwl nid yn unig am y gymuned ble maen nhw'n byw ac yn gweithio ynddi, ond hefyd sut mae'u gwaith yn gydnaws â ac yn cyd-fynd â gwasanaethau a gweithgareddau grwpiau a sefydliadau eraill, rhai gwirfoddol a rhai statudol.

Fe hoffen ni i chi ystyried sut y gallai'ch sefydliad weithio gydag eraill er mwyn ychwanegu gwerth a gweithio mewn partneriaeth yn hytrach na chystadlu. Cofiwch egluro yn eich cais eich cynlluniau ar gyfer y dyfodol yn ogystal ag ar gyfer y presennol. Fe hoffen ni weld sut mae grwpiau'n gweld effeithiau tymor hir eu penderfyniadau er mwyn gallu gweithio gyda, ar y cyd, ag eraill.

